

# Per regla buca sulet in, mobein plirs Mosers

Il resun sil clom dalla Pro Laax ei staus gronds e demuossa il grond relasch e la varietad dil caricaturist Hans Moser che havess contonschiu la dumengia vargada siu 100avel anniversari. E gest quei gi han biaras possessuras e possessurs da sias caricaturas presentau ella Sentupada a Laax lur Hans Moser per schar fotografar ed inventarisar il relasch digl artist morts avon diesch onns. Ils biars ein buc en possess da sulet in Hans Moser, els han presentau a Laax ina gronda schelta da caricaturas da tut gener. Hans Moser ha fatg sias caricaturas per revistas, per anniversaris e giubileums e per amitgas ed amitgs. Dessegns che procuran buca mo per in surrir, mobein tradeschan ina vesta sil mund magari visiunaria. (fmr/ac)



Niklaus Jörger da Glion ei vegnius cun ovras dil caricaturist ch'el ha titulau per siu amitg.



Erwin Ardüser ha cumprau ina ni l'autra ovra, quella ch'el tegn enta maun fa speranza sigl uffiern.



Gion Balzer Casanova cul dessegn che circumscriba la historia legendara dil corv Lea.



Ils anteriurs hoteliers dil Waldhaus, Jo e Marianne Müller, han tgirau in stretg contact cun Hans Moser.